

Kigutit fluorimik tanitsittarneri

Ullut tamaasa kigutit eqqerlugit salinneqartanngippata aammalu tungusunnitsunik nerisaqarlunilu imingaqartarpallaaraanni kigutit putujartulersarput. Putujartulernerit takuneqarsinnaasarput qaqqorissutut aammalu attorlugit kigutip peqqissup sikassaataatut manitsingineq ajortut.



Assimi takuneqarsinnaavoq kigutip sikassaataa aseroriartulersimasoq taammallillunilu kigummi putoq takuneqarsinnaalersimalluni.



Meeqqassi kigutaani putunngoriartortoqarpat kigutileriffiup fluorimik tanitsinnissaa neqeroorutigissavaat. Fluorit assigiinngitsut marluk tassani atorineqartarput. Assimi fluorlakkimik kigut taninneqartoq takuneqarsinnaavoq.

Siunertaavormi kigutip putujartornerata unisarneqarnissaa qillertinnissaraluarlu pinngitsoortinneqarsinnaalluni. Kisiannili tamanna iluaqutaassappat pingaaruteqarpoq meeqqap ullut tamaasa kigutini eqqerlugit salittarnisai aammalu kigutilerivimmut tanitseqqinnissaminut aggersarneqaruni takkuttarnissaa.



Uani assimi takuneqarsinnaavoq tamorrat fluorimik imerpalasumik taninneqartoq. Fluorlakimut naleqqiullugu imerpalanerummat tamorrasip itersaasaanut pulalluarnerusinnaanera peqqutigalugu atorineqartarpoq.